

## Sultan Johor berkenan serikan majlis persandingan keluarga Jakel

Ahmad Ismail  
am@hmetro.com.my

### Segamat

**H**ari bersejarah sepanjang pengantin bertambah ceria apabila Sultan Johor, Sultan Ibrahim Sultan Iskandar mencemarduli menghadiri majlis persandingan berkenaan di sini, semalam.

Turut mengiringi ananda baginda, Tunku Panglima Johor, Tunku Abdul Rahman Sultan Ibrahim.

Pengantin, Muhammad Fauzan Ghani Erfan Ghani dan Rehana Mohamed Jakel, yang masing-masing berusia 20 tahun diraikan di Dewan Jubli Intan, Jalan Buloh Kasap, Segamat.



MAJLIS persandingan pasangan pengantin dihadiri Sultan Ibrahim di Dewan Jubli Intan Segamat, semalam.

# 'KENANGAN INDAH'

Baginda yang berangkat tiba jam 1.40 tengah hari meluangkan masa hampir sejam termasuk beramah-mesra dengan tetamu majlis berkenaan.

Hadir sama ibu pengantin perempuan, Hajranu Os-

man, Pengurus Besar Jakel Segamat Lokman Mohamed Jakel (abang pengantin perempuan), Ahli Parlimen Sekijang Anuar Manap, Ahli Dewan Undangan Negeri (ADUN) Buloh Kasap, Nurshida Ibrahim, Pegawai

Daerah Segamat Mohd Haffiz Ahmad, Timbalan Ketua Polis Daerah Segamat Deputi Superintendan Usop Unis serta 5,000 tetamu.

Abang sulung pengantin perempuan, Datuk Mohamed Faroz Mohamed Jakel

berkata, kenangan meluangkan masa bersama baginda pada majlis persandingan itu sesuatu yang indah.

"Kami terharu dan menghargai keberangkatan baginda.

"Kami juga menghargai

kehadiran penduduk sekitar juga pelanggan Jakel yang sentiasa memberi sambutan kepada produk berasaskan fabrik yang diasaskan arwah bapa, Mohamed Jakel Ahmad di sekitar Daerah Segamat," katanya.